


**2**

**TIM**


TIAKO  
I  
MADAGASIKARA



Amboary ny lalana eto Madagasikara



RANDRIAMASINORO Tahiry Ny Rina



# NY VALOSOAO

Gazety miseho intelo isan-kerinandro  
(Talata - Alakamisy - Jabotsy)

**VAOVAO**

**Fitantanana tanàna 2**  
Navoakan'ny fitondrana ihany  
ireo dabam-pako fa propagandy

[www.gvalosoa.com](http://www.gvalosoa.com)

[gvalosoa@yahoo.com](mailto:gvalosoa@yahoo.com)

facebook : gazety valosoa rakoto

Alarobia 13 novambra 2019

Laharana 979

Vidiny : 400 Ar

**Polisy nanenjika jiolahy 3 3**

# Nijininika ny rà tetsy Analakely



**Rina N°2 Antananarivo 2**

# Programa mitombina fa tsy misavoana sy mampanonofinofy



**BORIBORITANY FAHA-5 (CUA) 7**

Nahazo lalankely vita rarivato 200 m ny eny Soavimasoandro

**Haja Boum Ambohimangakely N°1 2**

Manana tetikasa miantraika amin'ny vahoaka



**Daka kely**  
Fikan-jazakely ilay dabam-pako alain-drony ry Boaikely a!

**Fiarahamonim-pirenena 2**  
Nahazo tohana avy amin'ny tahiry Frantsay PISCCA

RINA N°2 ANTANANARIVO

Programa mitombina fa tsy misavoana sy mampanonofinofy

Fokontany maromaro tao amin'ny boriboritany faha-2 sy faha-3 indray, no nanaovan'ny kandidida ben'ny tanàna avy amin'ny Tiako i Madagasikara (TIM) eto Antananarivo Renivohitra Rina N°2 fampielezan-kevitra omaly sy afak' omaly.

Nihaona tamin'ny mponina teny amin'ny faritra Ambohitrakely, Avaradoha, Besarety ao anatin'ny boriboritany faha III indray ny kandidida Rina RANDRIAMASINORO sy ny kandidida mpanolotsaina TIM omaly. Nafana aoka izany no nandraisan'ny olona azy teny an-toerana. Maro

tsy tambo isany ireo olana mampijaly ny mponina ao amin'ny boriboritany faha III, toy ny lalankely, ny tatatra tsentsina, ny fanasan-damba sns... Mamaly ireo olana tena mianjady amin'ny mponina ny fandaharanasako hoy Rina nifampitafa tamin'izy ireo, fa tsy tetikasa misavoamboana sy mampanonofy. Tsy ambaka amin'izany ihany koa fa dia nifanotofan'ny olona i Rina nandritra ny fandalovany teny amin'ny faritra Ambohitsoa, Ankazolava Ambohibary, Ampamantanana ary Androntra teny amin'ny boriboritany faha-2 afak'omaly. Ny olan'ny fitobahan'ny fako eny amin'

ny dabam-pako, ny fahatapahan'ny jiro ary ny tsy fisian'ny rano, ireo no fitarainana nampitan'ny mponina tamin'i Rina teny an-toerana. Tsy hiandrahana fanjakana intsony ireo olana mbola azo vadana hoy i Rina, fa efa misy ireo paikady matotra hiatrehana izany. Mbola nanome toky ny mponin'ny boriboritany faha 2 ny filohan'ny TIM Marc RAVALOMANANA, fa olona azo antoka i Rina ary mahavita mamaha ny olana mianjady, amin'ny alalan'ny fandaharanasa harosony. Mametraka ny fitokisana amin'ny Kandida ho ben'ny tanàna laharana faha-2, Rina RAN-

DRIAMASINORO ny mponina eto andrenivohitra, mila manova fijery isika, tsy ho voasanda vola na zavatra mandritry ny fampielezankevitra fa hijoro amin'ny tena safidy, havi-trika amin'ny fandehana mifidy ary hifanome tanana amin'ny fiarovana ny safidy hoy ny kandida Rina tamin'ireo olona maro nihaino azy. Anisan'ny fandaharan'asan'i Rina rehefa lany ben'ny tanàna soa aman-tsara izy ny fanazàvana ny tanàna sy ny elakelan-trano, ny fanangàna bassin-lavoir na toeram-panasan-damba sy toeram-pidiovana.

Isambilo

Kandida Haja Boum Ambohimangakely N°1

Manana tetikasa miantraika mivantana amin'ny fiainam-bahoaka

Miavaka amin'ireo kandida ben'ny tanàna ao amin'ny kaominina Ambohimangakely Antananarivo Avaradrano, ny kandida HAJA BOUM N°1, avy amin'ny antoko Tiako i Madagasikara (TIM). Avy amin'ny antoko manana vana matotra sy manana traikafa ity kandida ity, ka tsy sarotra aminy ny hanatanteraka asa hampanandrosoana ny kaominina



an'ny rehetra (lava-drano) 2- Fahasalamana sy ny fahadiovan'ny tanàna (fanalana ny FAKO ho fitsinjovana ny Fahasalamana sy ny fahadiovan'ny Tanàna 3- Fandriampahalemana fiarahana-miombon' antoka Vahoaka - Kaominina ( polisy kaominaly) -

Zandary 4- Fandrindrana ny fitateram-bahoaka. Fametrahana mazava ny toeram-piantsonana, marquage au sol, panneau... (fiaraha-miasa amin'ireo kooperativa miasa eo amin'ny Kaominina Ambohimangakely) 5- Tanora sy fanantanjantena . Fandraisana andraikity ny Kaominina amin'ny fikarakarana ny lalao eo amin'ny Kaominina Ambohimangakely ( baolina kitra, basket-ball, volley, pétanque, ... ho an'ny lehilahy sy ny Vehivavy. 6- Fiompiana sy Fambolena. Ny tanjona dia ny hana-nan'ny Kaominina "central d'achat" ho fanampiana ireo tantsaha ho fampitaovana sy kojakoja ilainy

amin'ny fampandehana ny asan'izy ireo. 7- Fiaraha-miasa akaiky amin'ireo mpitantana ny Fokontany anatin'ireny Fokontany ireny ho fampandrosoana haingana. 8- Fanatsarana ny fitantanan-draharaha eo anivon'ny Kaominina (informatisation : copie, acte de naissance ....) 9- Fanatsarana ny endriky ny tanàna. Zaridaina rond point by-pass, ... Tokana ny safidy hoy izy ny mpiara-dia aminy, Haja BOUM N°1 sy ny mpanolotsaina miaraka aminy N°2 ihany, avy amin'ny antoko TIM, no safidy eny amin'ny kaominina A m b o h i mangakely .

Helisoa

Fiarahamonim-pirenena

Nahazo tohana avy amin'ny tahiry Frantsay PISCCA

Natao omaly ny lananam-panokafana an'ireo tetikasa nahazo valisoa avy amin'ny ny Tahirim-bola frantsay ho fanohanana ny fiarahamonim-pirenena "Tetikasa fanavaozana momba fiarahamonim-pirenena ary ny Fifarimbonan'ny Mpisehatra " (PISCCA).

Izany dia natao tao amin'ny Ivotoerana frantsay eto Madagasikara (IFM). Niatrika izany Andriamatoa Frédéric JOUREAU, Mpanolotsaina voalohany ny Ambasady frantsay eto Madagasikara ;Andriamatoa Patrick PEREZ, Mpanolotsaina ny fiaraha-miasa sy hetsika ara-kolon-tsaina ; ny mpikambana ofisialy ao amin'ny komity mpifantana ny Tahirim-bolan'ny fiarahamonim-pirenena PISCCA, ary koa ireo fikambanana 20 ny fiarahamonim-pirenena izay nahazo valisoa. Ny Tahirim-bola frantsay « Tetikasa fanavaozana ary

Fifarimbonan'ny Mpisehatra (PISCCA) dia ahafahana manohana ny tetikasan'ny fikambanan'ny fiarahamonim-pirenena entina miady amin'ny fahantrana, hanamafisana ny fisitrihana ny zo fototry ny vahoaka marefo ary koa hanatsarana ny fitantana demokratika eo amin'ny sehatra eto antoerana.

Tamin'ny 11 septambra 2019, tetikasa 20 avy amin'ny faritra 10 mahery eto Madagasikara no voafidy hahazo famatsiam-bola PISCCA, momba ireo lohahevitra samihafa toy ny fitantanana, ny zon'olombelona, ny fampidirana ara-tsosialy sy ekonomika, ny fiarovana ny tontolo iainana sy ny fizahantany maharitra, ny fanabeazana ary ny fiofanana arak'asa. Mikendry ny tanora sy ny fampiroboroboran'ny miralenta ireo lohahevitra ireo, izay laharan-pahamehana ho an'

ny Tahirim-bola PISCCA. Omaly maraina io, ny solontenan'ireo fikambanana 20 nahazo valisoa dia notolorana mari-pankasitrahana manamarina ny fananganana rahatrizay ny tetikasa.

Ity drafitra ity dia singa iray manan-danja eo amin'ny fiaraha-miasa frantsay -Malagasy satria ahafahana manohana ny fiarahamonim-pirenena malagasy amina tetikasa mampitombo izay mahaso mivantana ny mponina. Mpandimby ny Tahirim-bola sosialy ho an'ny fampandrosoana izay niasa teo anelanelan'ny taona 1996 sy 2015 ny PISCCA ary, ny andiany voalohany an'ny PISCCA dia natomboka tamin'ny taona 2016. Amin'izao fotoana ahafahan'ny tetikasa voafantina hiasa ho an'ny andiany 2018-2020 izao, manamafy ny teny nomeny ny ambasady frantsay eto Madagasikara amin'ny fia-

rahamonim-pirenena izay manan-karena fikambanana marobe , ka ny asany dia mametraka tombontsanda tsy azo lavina ho an'ny fampidirana ara-tsosialy sy ara-ekonomika ; ho an'ny fahazoana fanabeazana, ary koa fahasalamana sy rano ary ny zo fototra ihany koa ho an'ny olona marefo indrindra. Fa ankoat'izay, ireo fikambanana ireo dia manana andraikitra lehibe amin'ny fanentanana ny rehetra handray anjara amin'ny famaritana sy ny fanatanteharana ny politikan-bahoaka eto an-toerana sy ara-nasionaly. Ireo fikambanana ireo dia mamela, raha fintinina , ny fisian'ny fitantanana demokratika bebe kokoa. Ny taham-bola ankapobeny amin'ny tetikasa ho an'ny vanim-potoana 2018-2020 dia 400.000 euros, izay vatsian'ny Ambasady frantsay eto Madagasikara vola.

Isambilo

Ny Valosoa sy fakafaka

Politika sy fampielezan-kevitra Aoka tsy ho voafitaka amin'ny fandaharan'asa tsy mitombina

Ho tandindonin'ny fanotofana tany hatrany Antananarivo renivohitra hanorenan-javatra amin'ny tetikasa tefy maika. Nambaran'ny kandidan'ny IRD na IRK, fa fandaharan'asany ny hanorina trano vaovao ho toeram-ponenana 500 isan-taona. Nanaitra ny sain'ny maro izany, ka nampametra-panontaniana hoe : aiza ny hanorenana izany indray? Tany aiza no hototofana sa eny amin'ny faritra iva no hanamparana izany? Ankoatra ny trano fonenana dia eo ihany koa ny trano fidiovana na WC. Aiza ihany koa ireo toerana hanorenaa izany ary avy aiza ny vola fampandehana azy satria nambara fa ho maimaimpoana ny fidirana amin'izy ireo? Miharihary fa be famaritana toy ny rambon'osy fotsiny ny vinan'asa fampanantenana omeny ny mponina ao anatin'izao fotoanan'ny fampielezan-kevitra izao, ary fampanonofisaana fotsiny sy programa misavoana.

Mazava anefa ny vinan'asa ataon'ny kandida Rina RANDRIAMASINORO, dia azo tanterahina tsara, fa tsy fampanonofisaana vahoaka. Azo atao tsara ny asa ary mahakasika tanteraka ny fiainam-bahoaka andavanandro tanteraka sy mahaso azy. Mila mahay manavaka ny fampielezan-kevitra poak'aty sy fandaharan'asa tsy ho tanteraka sy ny fandaharan'asa mitombina toy ny an'i Rina N°2 ny mpifidy amin'ny alarobia 27 novambra ho avy izao io. Tsy hadino koa ny handrotsaka ny biletà-n'ireo mpanolotsaina miaraka aminy, avy amin'ny antoko TIM amin'io fotoam-pifidianana io, mila mahazo ny maro an'isa i Rina sy ny mpanolotsaina ao amin'ny Filankevitry ny tanàna fa raha tsy izany dia ho sahirana izy ireo amin'ny fantanterahana ny asa raha tsy hahazo izay maro an'isa izay.

Sôh'son

Fitantanana tanàna

Navoakan'ny fitondrana ihany ireo dabam-pako fa propagandy

Efa ela ihany izay no nambaran'ny filoha Marc Ravalomana, fa misy dabam-pako vaovao tonga eto, tokony handraofan'ny SAMVA ny fako ho eny Andralanitra, izay asa iandraiketan'ity sampan-draharaha eo ambany fiadidian'ny Ministeran'ny Rano saingy tsy nisy valiny. Nambaran'ireo seraseran'ny fanjakana mihitsy tamin'izany fa rediredy sy fanelezana tsaho izany fanambarana izany. Nokobokoboin'ny rariny ny fitondrana Rajoelina ankehitriny, ka voatery namoaka ihany , dia ireny hitam-poko hitam-pirenena ireny, toy ny tany Morondava, ohatra. Nahoana no tsy napoitra izy ireny rehefa nitaraina ny SAMVA teto Antananarivo, fa tsy ampy ny dabam-pako sy ny fiara itaterana fako eto andrenivohitra nandritra ny fotoana nampivangongo ny fako teny rehetra teny? Valiny, amin'izay dia atolaka amin'ny Kaominina Antananarivo Renivohitra fa maloto ny tanàna ary tsy manao ny asany ny Ben'ny tanàna. Izao anefa dia navoaka ihany ireo dabam-pako ireo satria anaovana propagandy, hita fa fikan-jaza araka ny fitenin-jatovo no ataon'ny fitondrana Rajoelina, ilay filoha koa moa mbola tsy mikatona ny loha-maleminy.

Rajaonarimpanontsana

Ny Valosoa sy hadihady

Olan'ny jiro sy rano: misy fiantraikany ara-ekonomika, ara-tsosialy ary ara-tsaina

Tsy mbola misy mandeha amin'izay laoniny aloha ny fiainam-pirenena sy ny fiainam-bahoaka eo amin'ny sehatra rehetra, na dia dradraina etsy sy eroa aza, fa miroso araka ny niheveran'ny mpitondra azy ny velirano.

Andro vitsivitsy izao no nanesorana teo amin'ny toerany ny minisitry ny angôvo sy ny rano ary ny akoran'afao. Nanaraka koa ny tale jeneralin'ny orinasam-bahoaka Jirama; izao no tonga amin'ilay fitenenana hoe: "ny an-tratra tsy lavo, ny eo misosoka ihany" (le malheur n'arrive jamais seul). Raha ny fahitana azy dia manao kitsapatsapa fotsiny izao fitondrana izao fa tsy misy fahamatorana sy fandihibana lalina eo amin'ny fanapahankevitra ka « tsapatsapa vodina akoho, ka rehefa tsy tay dia atody ». Ny resaka famatsian-drano ny mponina, tsy eto an-drenivohitra ihany, no heverina fa nahavoadaka ireo tomponandraikitra roa voalaza etsy ambony ireo. Tsy ny olona anefa no olana raha ny fandihibana azy fa eo ny olana ara-tekinika, ara-pitaovana ary ara-toetrandro. Angamba eo koa ny fitombon'ny mponina, ka tsy maharaka intsony ny rano mitoby ao anatin'ireo siniben-drano noho ny tsy fahampian'ireo milina manosika rano (surpresseurs). Mandeha amin'ny solika koa anefa izy ireny ka ny trosan'ny Jirama mitentina an'arivo tapitrisa ariary maro aza tsy mbola voaefan'ny mpitondra. Mety ho hevitra tsara ny fanafarana ny fanafarana solika tsy voadio kanefa raha ny fahafantarana azy dia tsy mandeha am-polotaona maro ny « raffinerie » ao Toamasina. Ka aiza indray no hanadiovana izay solika tsy voadio, sa hanangana vao-vao indray? Zary lasa ravaky ny paompim-pokololona ny "bidons jaunes" kanefa dia vidiny lafo ny rano eran'ny iray amin'izy ireny. Araka izany dia mitombo izay tsy izy ny fandanian'ny fianakaviana

miampy ireo kojakoaja ilaina andavanandro, izay efa mampikaikaika ny valala tsy mandady harona. Mbola tsy voavaha ity olana ara-drano ity dia misosoka indray tato ho ato ny fahatapahan'ny herinaratra izay maharitra ora maro. Mazava ho azy fa misy fiantraikany eo amin'ny tetibolan'ny fianakaviana izany satria tsy maintsy mividy labozia hanazavana ny ao antrano, indrindra fa efa miditra ny mpianatra izay mila hazavana hanaovana ny enti-mody. Tsy ho an'ny ankizy ihany anefa fa ho an'ireo mpivarotra mampiasa vata fampangatsiahana ihany koa. Misy fiantraikany ara-ekonomika, ara-tsosialy sy ara-tsaina (psychologique) araka izany ireo toe-javatra roa ireo. Tsy ny fanesorana tomponandraikitra iray na roa amin'ny toerany no vahaolana fa ny fitadiavana vahaolana ara-tekinika. Tsy ny fandavahana lava-drano etsy sy eroa ihany koa satria mbola mila fitaovana maro tsy maintsy tadiavina: ny paompy manosika na misarika rano (pompe immergée na pompe de surface), ny fantsona sy siniben-drano. Azo inoana fa tsy mbola eo am-pelatanana akory ireo fa dia mbola mitohy mampiesona ihany ny mpitondra. Tsara fa efa misy ny "tsena mora" eny amin'ny fokontany, ary mamaha amin'ny ampahany ny olana ara-tsakafo ho an'ny ampahan'ny mponina ihany koa kanefa dia indray mandeha isan-kerinadro ihany no misy famatsiana ary tsy mahavita afa tsy andro iray na roa ny vatsy azo ao. Tsy matotra ary tsy niainga avy amin'ny fanadihadiana lalina ny zava-misy marina eo amin'ny sehatra rehetra ny "velirano", hany ka voatery mikaroka vahaolana maimaika amin'ireo tranga tsy hampoizina ny mpitondra ka mibirioka any amin'ny tsy tokony hizorany sy fahoanifahoany fotsiny ny fitantanana ny Firenena.

Andry Tsiavalona

PR HARIMALALA JOSEPH

Tsy azo ekena ny fanotofana tany sy fivarotana tanindrazana

Mbola resabe ho an'ny mpanara-baovao politika indray ny fanotofana tanimbary ao Ambohitrimanjaka-Antananarivo ao. Ity fanotofana tany ity dia ho fanatanterahana ny veliranon'ny filoham-pirenena dia ny fivarotana tany hoan'ny vahiny. Raha tsiahivina dia ampahibemaso no nilazan'ny filoha izay fivarotana tany izay nandritra ny fampielezan-kevitra nataony ary efa nambarany tamin'izany fa 1.000 Ha izany tany amidy izany, ary dia io Ambohitrimanjaka io izany no misantatra izay fivarotana tany amin'ny vahiny, izay mba hanorenana tanàna vaovao, izay tsy hitoeran'ny vahoaka Malagasy akory fa ho an'ny vahiny mazava ho azy. Nanamafy izany Ramatoa Rinah Rakotomanga tamina fahitalavitra iray, fa tsy misy vohitra ahetry izany hono amin'ny fanatanterahana ilay tetikasa Tanà-Masoandro, fa ny lemaka no ho totofana. Ho an'i Pr Harimalala Joseph dia ambaran'ny amin'ny fanohankeviny fa voasoratra ao amin'ny soratra masina dia mazava tsara ao amin'



ny bokin'ny Apokalypsia 16: 19-20 manao hoe: "Ary ny tanàna lehibe dia vaky ho telo, ary rava ny tanànan'ny firenena maro, ary Babylona lehibe dia notsarovana teo anatrehan'Andriamanitra, mba homena azy ny kapoaky ny divain'ny firehetan'ny fahatezerany, ary ny nosy rehetra nandositra, ny tendrombohitra tsy hita intsony". Koa manoloana izany tenin'Andriamanitra izany dia tsy tokony hampandainga an'Andriamanitra ny mpitondra, satria marina ny tenin'Andriamanitra matoa notanisa-iny avokoa ireo karazana tranga maro samihafa ireo, dia ny faharavan'ny tanànan'ny firenena maro, eo koa ny tsy fahitana ireo Nosy rehetra izay voalazan'ny tenin'Andriamani-

tra. Eny fa na dia ny tendrombohitra aza hoy ny voalaza dia tsy hita intsony. Tokony handinika araka izany ny mpitondra fanjakana, satria dia maro ny tranga miseho eto Madagasikara izao, dia ny vonoan'olona sy fandatsahan-drà etsy sy eroa, izay tsy mitsahatra mihanaka izao, raha tsy hilaza ny fisehoana rà latsaka sy fahafatesan'olona eran'i Madagasikara ireny. Ankoatra izay dia hatramin'ny vadina tomponandraiki-panjakana avy no nahavita namono olona tany Ambohitra. Koa antso avo hoy ity mpandinika ity no atao amin'ny mpitondra, mba handinika sy hieritritra ny ambaran'ny tenin'i Jesosy Kristy ao amin'ny Jaona 8:44-45 manao hoe: "Hianareo avy amin'ny devoly rainareo, ka izay sitraky ny rainareo no tianareo hatao. Izy dia mpamono olona hatramin'ny taloha, ary tsy nitetra tamin'ny marina, satria tsy misy marina aminy. Raha man-dainga iny, dia ny azy no lazainy, satria mpandainga izy, sady rain'ny lainga". Ety ampamaranana hoy hatrany i Pr Harimalala Jo-

seph, dia manao antso ho an'ny vahoakan'Ambohitrimanjaka ny tenany, mba tsy hanaiky ho raviraviana vola ho fanonerana ny taniny, na hoatrinona na hoatrinona, eny fa na dia ho tambazan'ny fitondrana 100 tapitrisa isan'olona aza satria toy ny mivarotra tanindrazana isi-ka. Etsy andaniny dia mampiahahy tanteraka ny ao ambadik'io tetikasa Tanà-Masoandro io matoa misisika mafy amin'io raharaha io, ary tsarovy hatrany ny tenin'i Jesosy araka ny ambaran'i Marka 8: 36-37 manao hoe: "Fa inona no soa azon'ny olona raha mahazo izao tontolo izao aza, kanefa very ny ainy? Fa inona no homen'ny olona ho takalon'ny ainy?". Fehiny dia samia mijoro isika vahoaka Malagasy, ary aoka mba tena hiray hina sy hiray saina sy fo ampahanahy, ka sahy hilaza toy ny nambaran'i Estera 8:6 manao hoe: "Fa ataoko ahoana ny fijery ny loza hanjo ny fireneko? Ary ataoko ahoana no fijery ny fandranganana ny havako?". Ambava homana tompoko!

Lezama

NY TENY FIAINANA

II Korintiana 4:7



Fa manana izao rakitra izao amin'ny vilany tany izahay, mba ho an'Andriamanitra ny halehiben'ny hery, fa tsy ho avy aminay."

Polisy nanenjika jiolahy 3 Nijininika ny rà tetsy Analakely

Nisahotaka ny tetsy Analakely omaly tolakandro tokony ho teo amin'ny 3 ora sy sasany teo. Nirefotra ny basy tamin'izany, ka samy taitra ny rehetra, ny ora toy izany koa dia maro ny olona mifamezivezy amin'ny faritry ny afovoan-tanànan'Antananarivo Renivohitra iny. Soa fa tsy nisy voatifitra ny olon-tsotra. Polisy avy amin'ny sampana miady amin'ny asan-jiolahy no nanaraka sy nanenjika jiolahy miisa 3 teny an-toerana tamin'ny ambadiky ny Institut Analakely iny. Niezaka nandositra ireo jiolahy ka nahatonga ireo mpitondro filaminana nitifitra, voatifitra teo amin'ny tongony ny jiolahy iray, nijininika noho izany ny rà, tafaporitsaka kosa ireo totakely roa namany, ary mbola nifanenjehan'ireo polisy tany anelakelan-trano tany, saingy tsy tratra intsony. Mbola mitohy ny fanadihadiana.

Ny Valosoa

TONOTRANO

RAHA MITENY...

Raha miteny ny mpitsara, mampahatsiahy ireo lalàna, Dia hazaina sy enjehina ary dia kasaina haato? Moa tsy mahatanty kiana ianao mpitondra fanjakana, Sa dia tena vilam-bava nefa te hitari-bato?

Raha miteny ny mpanohitra, (ary tena zony izany!) Dia esoina sy tebahina ary anaovana antsojay? Moa ny teninao mpitondra no hany marina hatrany, Fa dia diso, tena diso izay rehetra ankoatr'izay?

Raha miteny ny vahoaka (f'izy anie no Andriamanjaka!) Dia anaovana bontolo sady tsy henoina teny? Ny vahiny hatrany hatrany no avela hahazo laka Fa avy aminy ny vola ilibana ombieny ombieny?

Raha miteny koa ny moana f'efa tena tsy azo afenina Ny amin'ny fahoriam-bahoaka sy ny sento tsy hay fefena, Dia hamaly hatrany hatrany ianao mpitondra bemarenina F'efa miadana ny tany, miarin-doha ny firenena?

DADAN'i ZINA (12-11-19)

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue. Remerciements au Sacré Cœur pour faveurs obtenues.

Antsa R.

# TIAKO I MADAGASIKARA KAOMININA AMBANIVOHIRA AMBOHIMANGAKELY

**FIDIO**



## VINAM-PITANTANANA NY KAOMININA AMBOHIMANGAKELY

1		 <b>Hajaso Pascal RAZANAKOTO</b>	
2		 <b>RAKOTONDRAINIBE Nambinintsoa José</b>	

### FIFIDIANANA HO BEN'NY TANANA sy MPANOLOTSAINAN'NY TANANA



**PAM**

**Nanomboka ny hetsika mizarà sakafo an-tsekoly any atsimon'i Madagasikara**

Ny Fandaharan'ny Firenena Mikambana misahana ny fanampiana ara-tsakafo (PAM) dia nanomboka ny hetsika fanangonam-bola amin'ny alalan'ny finday, Share the Meal, eto Madagasikara. Io fampiharana io, izay azo alaina amin'ny alalan'ny App Store na Google Play, dia hahafahana mizarà sakafo an-tsekoly ho an'ny ankizy 10 800 amin'ireo 300 000 mahazo cantines scolaires, amin'ny alalan'ny fanomezana vola amin'ny finday. Ny Share the Meal, izay mampifan-

dray ny cantines scolaires ny teknolojika, dia mi-kendry ny hampihena ny hanohanana manerantany, ary indrindra mandray anjara amin'ny fanatsarana ny fanjarian-tsakafo ho an'ny ankizy, ary mampitombo ny fotoana andehanany mianatra. Eto Madagasikara, ny Minisiteran'ny Fana-beazam-pirenena, ny Fano-fanana ara-teknika sy ny arak'asa (MENTP) sy ny PAM dia mitantana cantines scolaires ho an'ankizy miisa 300 000 any amin'ny faritra Androy, Anôsy ary Atsimo Andre-

fana, any atsimon'i Madagasikara, faritra izay iharan'ny tsy fahampian-tsakafo. Ny Analyse coût-bénéfice de l'impact des cantines scolaires à Madagascar, na ny famakafakana ny tombontsoan'ny cantines scolaires eto Madagasikara, notanterahin'y MENTP, ny PAM sy ny MasterCard tamin'ny 2018, dia maneho fa ny 1 dolara arotsaka amin'ny cantines scolaires dia miteraka 6,1 dolara amin'ny harinkarena faobe, na 935 dolara mandritry ny fiainan'ny zaza iray. Ny fiantraikany lavitra ezaka

dia ny fitomboan'ny toekaren'ny firenena, rehefa lehibe ireo zaza ireo ka salama ary miasa. Ny tanjon'ny drafitra ny sehatry ny fanabeazana dia ny hatratra 357 000 ireo ankizy hisitraka ny cantines scolaires, ka miakatra 10% isan-taona izany hatramin'ny 2023 (sahabo ho 370 000 eo ho eo). Mahatratra 47 tapitrisa ny sakafo no nozaraina manerana izao tontolo izao avy amin'ny Share the Meal, manomboka any Pakistan ka hatrany Bangladesh, Libanona, Yemen ary Syrie. **Aly**

Jean Olive Ramaheninarivo

**Hanatanteraka fampisehoana an-kira etsy amin'ny CCESCA Antanimena ny alahady izao**

Gadon-kira « Slow » ; « Reggea » ; « Sega » ; « Tropical » sy ny gadona maro samihafa no hiarahan'ny mpanakanto Ramaheninarivo Jean Olive na i «Olive de la Réunion», miaraka amin'ny mpanakanto Malagasy sy avy any La Reunion maro be handravaka ny CCESCA Antanimena mandritra ny 4 ora, miaraka amin'ny mpankafy. Anisan'ny mpanakanto hanafana ny sehatra i Njakatiana ; i Parson Jacques ; i Tonton Pa ; Arione ; Lilie ; ny tarika MalalanManitra ; Anjara sy

ny maro tsy voatanisa... Ho tonga hanafana ny hetsika ihany koa i Fred Flaviny avy etsy amin'ny Nosy La Reunion. Hisy ny hira iraisan'ny mpanakanto roa « Duo », na hira hiarahan'ny mpanakanto maromaro ; hisy ihany koa ireo hira izay nahafantarany ny mpankafy ny Artista tsirairay. Marihina fa ny « Itasy Project » no mikarakara ny hetsika ary manantena fa hahazo ny anjarany avokoa ny sokajin'olona rehetra mandritra ny fampisehoana. **Franck Razakambelo**



Ny mpanakanto Olive de la Réunion sy ireo mpiara-miasa aminy.

Tetikasa Manitatra 2

**Hanaparitaka ny teknika agro-ecologie**

Ny tetikasa Manitatra 2 dia vatsian'ny vondrona Eoropeanina vola amin'ny alalan'ny COMESA, tetikasa izay haharitra 3 taona, miasa amina kaomi-nina 17 (ampovoan-tany sy tapany andrefana) ary efa nanomboka tamin'ny volana jona 2018. Misy ny fiaraha-miasa amin'ny DREED, DRTTM, CEFFEL, APDRA, FIFAMANOR. Nandritra ny atrika-sa no namelabelaran'Andriamatoa TOKOHERI-NIONJA Tanjonarilesa Le-

ben'ny tetikasa, ny fivoavan'ny toetr'andro ary ny tsy fanjarian-tsakafo. Ezaka ny hanaparihana ity teknika « agro-écologie » ity amin'ireo tantsaha ao anatin'ny heritaona sy 3 volana, nefa ilàna faharetana izany, mba hahazoana tombony sy voka- tra. Tantsaha miisa 50 sy «pépinéristes», ary sekoly miisa 12 no efa nofanina. Mba hampihenana ny tahan'ny faharatsian'ny vokatra izany dia ilaina ny fambolena-kazo, raha

1.500.000 zanakazo no tanjona, dia amin'ity «Manitatra 2» ity no hambolena ny zana-kazo miisa 1 tapitrisa latsaka. Ny zezika lombri-compost, izay vary an-tanety no tena iasan'ny tetikasa, eo koa ny fanatsarana ny valan'om-by. Tanjona ny fampihenana ny tsy fanjarian-tsakafo sy ny fiarovana ny tontolo iainana. Nosokafana tamin'ny fomba ofisialy ny herinandro teo ny atrikasan'ny tetikasa Manitatra 2, tao amin'ny Maison de la

retraite Antsira-be. Nanome voninahitra izany ny Sekretera Jeneralin'ny Prefektiora, ny Tale misahana ny Fampandrosoana eto anivon'ny Faritra. Vina ny hianarana ny taranja "agro-écologie" any an-tsekoly afaka 2 taona na 3 taona any ho any raha ny tombaran'ny tompon'andraikitra ihany satria tafiditra amin'ny fiarovana ny tontolo iainana izany.

**Lezama**

Tetikasa Pausens

**Nisy ny toman'ezaka nataon'ireo mpamatsy vola**

Fidinana ifotony nataon'ny avy amin'ny banky iraisam-pirenena manaovana ny toman'ezaka nandritra ny fanatanterahana ny tetikasa « PAUSENS », teto anivon'ny Faritra Vakinankaratra. Raha tsiahivina dia ny volana martsa 2015, ka hatramin'ny Mey 2017 ny faharetan'ity tetikasa ity, izay niseho tamin'ny sehatra maro. Tonga niatrika izany teto ny Lehiben'ny Faritra Vakinankaratra Mpisolo Toerana sy ny Tale miadidy ny Raharahy Ankapobeny sy ny lafitany, ary ireo voakasika ny tetikasa mivantana. Ny Faritra

dia manana iraka manokana ho an'ny fampandrosoana ara-toekarena sy ara-tsosialy, arak' izany tokony tsy ho tompontrano mihono ny Faritra amin'ny tetikasam-pampandrosoana rehetra. Nandritra izany no nanaovana ny fampahafantarana ny tanjaka sy ny mampiavaka ny Faritra Vakinankaratra, ka isan'izany ny teo amin'ny sehatry ny fambolena, fiompiana ary sosialy. Ho an'ny tao amin'ny sehatry fahasalamana kosa dia zava-dehibe ho azy ireo ny fisian'ny tetikasa tahaka izao, mba hahafahana manentana

ireo reny bevohoka sy mitaizakely, mba hanatona ireny tobim-pahasalamana ireny. Raha ho an'ireo ONG indray dia mba tsy ho mpiara-miasa fotsiny ihany no angatahin'izy ireo, fa mba izy mihitsy no hahazo ny famatsiam-bola avy amin'ny banky iraisam-pirenena. Teto dia samy naneho ny heviny mahakasika ny fanatsarana ny tetikasa ao aoriana ireo rehetra tonga natrika teto satria hita fa nisy ny lesoka maro tamin'ireo tetikasa efa nisy taloha, izay vatsian'ny banky iraisam-pirenena vola. Isan'ny tena nivoatra nandritra

izany fa tokony ho fantatry mpi-tondra eto anivon'ny Faritra ny fisian'ny tetikasa iray, mba hahafahana manara-maso sy mitondra vahaolana aorian'ny tetikasa. Ezahina araka izany hoy hatrany ireto solontena avy amin'ny banky iraisam-pirenena ireto ny hitondra ny hetaheta rehetra any amin'ny ambaratonaga ambony mba hisian'ny fiovana ary mbola nanentana ihany koa izy ireo amin'ny fiaraha-miasa ho an'ny sehatra tsirairay, indrindra amin'ny fitondram-panjakana. **Solohery**

**Taratasin'ny mpamaky**

Tsara ampahafantarina ny mpamaky gazety sy ny mety iante-fany izao taratasy : tantaram-pirenena izao dia ny momba an' Ambondromben'i Madagasikara: araka ny filazan'i Dr RAN-DRIA Michel tao amin'ny bokiny mitondra ny lohateny hoe "Foto-teny Malagasy" p.34 dia lasa vahoakan'Ambondrombe no fiteny tranainy indrindra raha nilaza ny olona nody mandry ny Gasy", fa tsy izany lasan'Andriamanitra izany, na nantsoin'ny Ray hody any aminy izany.

Ny teny hoe Ambondrombe, hoy ihany izy dia fivoriambe na fonenana iombonan'ny rehetra any ankoatra rahatrizay maty, ka miala eto an-tany.

Raha nanafika tany atsimo tany ny tafiki'i Radama, dia ripaka maty tany indrindra fa teo amin'io toerana Ambondrombe io, ireo miaramila anjatony. Koa ho fampiononana ny havan'ny maty, rehefa tafaverina ireo sisa velona dia nilaza tamin'ny havany fa mbola hizaona amin'ireo havany any Ambondrombe izy ireo rahatriza.

I-AMBONDROMBE ARAKA NY NITANTARAN'NY NAHITA MASO AZY:

-Mpiasan'ny BRGM telo lahy no nirahina hamita asa fanoritana izay mety ho hita amin'io toerana io, no Malagasy efa tonga tany marina.

Tendrombohitra avo milingilingy ao atsinanan'Ambalavao tokony ho eo amin'ny 40 km eo, amin'ny lalana mankany Ikongo iny no misy azy. Raha dia an-tongotra miala eo Ambalavao mankany Ambondrombe dia eo amin'ny roa andro eo no faharetana mankany.

Havoana saro-javona lava izy io, ka tsy misy mihintsy ahitana ny ao an-tampony raha avy aty ivelany, ary ny ao anatin'ny tsy mahita ny aty ivelany.

Mandalo ambaratonga dimy vao tonga eny amin'ny faratampony. Rehefa tonga teo ampototrilay tendrombohitra izy telo lahy dia nahita zazavavy nanasa lamba teo amoron-drano tamin'ny andro voalohany io. Tsikaritr'ilay iray tamin'izy telo lahy, fa toa ohatra ny zazavavy efa hitany izy io. Nefa io zazavavy io dia zanak'olona tao Behoririka, niara-nonina taminy taloha, ka efa maty, ary efa nalevina teny alarobia misy ny fasan-drazany, enim-bolana lasa izay. Raharinivo Suzanne no anarany, ary na ny fianakaviany aza dia mbola misaona azy. Koa gaga sy talanjona izy raha nahita izany.

Raha mbola teo am-pieritretana izany izy dia avy hatrany dia nilaza taminy ilay zazavavy fa izy tokoa no Raharinivo Suzanne, araka ny eritretanao azy hoy izy.

Efa hariva moa ny andro tamin'izany, koa mba niangavy trano hatoriana taminy izy telo lahy, dia nampandrosoiny tao an-trano falafany. Efa voahomana tao ny sakafon'izy ireo, ka nikarakara ny fahandroana azy fotsiny no nataon'ilay zazavavy. Marihina moa fa trondro no laokan-dry zareo tamin'izany. Misy labozia iray lehibe tsy mety lany nampirehetiny. Rehefa avy nisakafo izy ireo dia samy natory kanefa tsy azo atao ny mikasikasika azy. Ilay roa lahy tsy nahafantatra azy, avy hatrany dia natory, fa ilay iray kosa mbola niresaka taminy sy namotopototra ny aminy. -"Ety no andehanany ny ambiroan'ny maty rehetra, hoy izy, ary tsy maintsy mandalo ambaratongan'Ambondrombe mandritra ny vanimpotoana voafetra ny olona maty rehetra vao tafiditra an-tanànan'Ambondrombe. Koa rehefa hody ianareo dia hisy hafatra hampitondraiko anareo ho an'ireo Ray aman-dreniko". Mahavariana tokoa ny tantara ka heverina fa mbola hotohizana...

**JR Ifalina**  
**Mpamaky gazety Ny Valosoa Vaovao**

**SEFAM**

**Namoaka ny andiany vaovao hisehatra amin'ny fahasalamana**

Mpianatra miisa 55 mianadahy no navoaka tamin'ny fomba ofisialy teo amin'ny sekoly ambony SEFAM (Sekoly Fanomanana Mpitsabo Mpanampy), ao Andranomadio Antsirabe, rehefa avy niofana nandritra ny 3 taona, ka nahazaoan'izy ireo ny mari-pahaizana "licence" tamin'ny fiofanana ho mpampivelona, mpitsabo mpanampy ary tekinisianin'ny laboratoara. Tontosa ny faran'ny herinandro teo ny lanonana ofisialy nanomezana azy ireo izany mari-pahaizana izany. Lanonana izay natrehan'ny Filoha Nasionaly ny Fiangonana Loterana Malagasy Pastora RAKOTONIRINA David, ary natrehan'ireo solontenampanjakana. Raha tsiahivina dia mbola Institut ny SEFAM teo aloha saingy nisy ezaka manokana nataon'izy ireo, ka niditra amin'ny Faculté ankehitriny, izay miara-miasa akaiky amin'ny Univesite Martin Luther any Fianarantsoa. Avy amin'ny synodam-paritany maromaro manerana an'i Madagasikara sy ny sahan'ny FLM ireto mpianatra vao nahazo ny mari-pahaizana ireto, ary ao aorian'izao dia hiasa eny anivon'ny sahan'ny Fiangonana Loterana malagasy izy ireo sy ny sehatra fitsaboana manerana an'i Madagasikara ihany koa, satria dia ara-panjakana tanteraka ny mari-pahaizana azon'izy ireo. **Lezama**




# «HANAMORA ny fitadiavan' ASA hoan'ny TANORA

Fanorenana ivon-toerana fampiofanana arak'asa.



**FIDIO**



## HO BEN'NY TANÀNA AN'ANTANANARIVO